

## Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei  
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

**Hevenesi, Gábor**

**Coloniæ Agrippinæ, 1709**

III. Augusti.

[urn:nbn:de:hbz:466:1-50916](#)

**S.** Petrus Anagniæ Episcopus, Monachorum & Episcoporum exemplar, Michaëlem Constantinopolitanum Imperatorem cum morte luctantem jussu Deiparæ, solo pronuntiato Sanctissimo nomine Mariæ sanavit, in cuius beneficij perenne testimonium, magnificam ædem ille Mariæ condidit *Fasti Mar.* Per hanc benè itur ad æternam in celo.

S. Petre Mariæ charissime, ora pro me Matrem tuam tibi dilectissimam, ut & mihi sit Maria, sit clemens & propitia, & animæ meæ vulnera sibi habeat commendata, ne prius obeam, quām ea seriā pœnitudine sint curata. O Sanctissima DEI, & mea, Mater pretiosissima! ego N. indignissimus filius tuus ex toto corde, omnibusque tam corporis, quām animæ viribus centies millies, imò infinites te saluto: te omni possibili omnium possibilium & actualium creaturarum affectu amare, &c. *fol. 190.*

Ad quod impetrandum: Quoties hodie legero Mariæ nomen, & commodè præstare potero, toties illud ex osculabor.

Arbor in medio terræ est B. V. in medio Ecclesiæ, omnibus communis sine personarum acceptance. *Laur. & S. Rich. lib. 12. de laud. V.*

Quæstio: Cùm B.V. sine originali labe concepta fuerit, an, & quomodo dici posse à Christo fuisse redempta? *v. Suarium de vita B.V.*